

日月

命守諸守
將宦立

錄

貴陽府志卷六十

職官志

知貴陽府事泰和周作楫夢巖輯

知貴陽府事博自朱德璫綬堂刊

錄七

明守土政績錄第三

明自憲宗時始設程番府治今定番與布政司異城而處穆宗時移入布政司城改曰貴陽時尙未設諸州縣也新貴之設縣也在顯宗卽位之十四年貴定則在三十六年定番之設州也亦在十四年廣順則在四十年開州則又遲在莊烈之四年故明代貴州

雖置三司而貴陽之設州縣也爲日寶淺然其間守
貳牧令及諸屬佐以賢良著績者或書正史或具傳
記不一而是今悉採擇都爲一篇命曰守土錄云

鄧廷瓚

汪

藻

何屋汪仲茂

龍翔霄

王尊賢

李

濶

劉之龍

錢策

劉冠南

張文奇徐庭綬

王應昌

朱家民

洪靜遠

朱茂時

蔡思泰

郭鳳儀

黃嘉簡

栢福兆

黃光中

楊世桂

陳新第

徐

大任安紹祖陳玉瑛
鍾周齡六

鄧廷瓚字宗器巴陵人景泰五年進士知淳安縣有
惠政丁母憂服除遷太僕寺丞成化十二年七月貴
州新設程番府地在萬山中蠻獠雜居吏部難其人
特擢廷瓚爲知府至則悉心規畫城郭衙巷學校壇
廟廨舍以次興建榜諭諸獠受約束政平令和巡撫
陳儼上其治行帝令久任九載秩滿始遷山東參政
尋進右布政使宏治二年以右副都御史巡撫貴州
廷瓚自令至守淹常調者踰三十年至是去知府止
三歲遂得開府時廷瓚初甚貴州旋以生母憂去職
宏治四年服闋還原任其平爛土苗及設都勻獨山

麻哈清平事詳通志論功進廷瓚右都御史時李文祥爲興隆衛經歷廷瓚咨以兵事大奇之欲薦爲監司文祥口誓以言事出今以軍功進不可固辭不得乃請齎表入都乞告歸議者兩賢之八年召掌南京都察院事甫數月命提督兩廣軍務兼巡撫越二年進左十三年復召掌南院未行卒贈太子少保謚襄敏廷瓚有雅量待人不疑時多稱其長者至所設施動中機宜其在軍中號令嚴明將校畏威甚貴州平苗功爲尤偉云其去程番知府任汪藻繼之汪藻即江人幼聰穎以奇童稱成化中成進士爲兵

科給事中出知程番府嘗拓程番城遷府治皆不煩
民力而辨藻在程番民夷畏服藻後歷兗州李克恭
江陵歐陽藻昌邑朱璉至何壘壘新城人正德中知
程番府弭盜安良百姓思之不衰壘後歷莆田丁
鉛山祝濱慶都王聰遷安王念閩縣陳則清安邱趙
景侯宮林春澤至汪仲成仲成績溪人嘉靖中知程
番府自守甚嚴而苞苴路絕好剔奸釐弊政治肅然
嘗修城池立保甲百姓德之仲成後歷豐城高宇懷
安休廷袞至龍翔霄

龍翔霄字潛之武陵人初名飛霄字泰渠王守仁諱

龍場過武陵見而奇之授之學爲易今名徙宇後遊
太學又及湛若水之門故學有師承正德十四年舉
於鄉官閔中知縣調太和擢戶部郎中嘉靖中出知
程番府程番設府不久所治八番諸夷習剽掠翔霄
以禮讓化其俗先是程番民多流於泗城及翔霄至
復業者相繼十九年金石司蠻石顯高叛衆議大用
兵翔霄入其境繫顯高及諸倡亂者出請勿問其餘
事遂寢金石司長官某擅殺人翔霄正其罪番夷畏
服鎮遠知府袁成龍卒於官翔霄經理其喪遣人送
還鄉思恩吏目高守仁罷官貧甚至鬻幼女爲道里

費翔霄聞之惻然守仁已還里翔霄爲贖之資送而歸其家共好義類如此九年歿滿自焚程書請老翔霄去歷清江簡書縉雲廬達而程番府改爲貴陽移治布政司城矣

王尊賢字魯之閬中人性剛介有節操又博學能文嘉靖中貢入國子監出爲程番推官有惠政後以年老致仕歸家徒四壁人莫不稱其清節

李漢字子池涪縣人舉於鄉累官貴陽知府先是貴州雖設行省而體制未備有三司而無首府軍民謀往往委之三司首領與兩衛指揮宣慰司事多不

治且因緣爲奸利巡撫杜拯趙錦屢請置首府穆宗
卽位許之令移程番府於布政司城改爲貴陽府以
貴竹平伐二司隸焉於是知府始居會城濮適居其
職有能聲濮後歷晉江王任重南充鄧宗臣貴溪周
五經從化周廷賓江南趙經龍溪謝文炳至劉之卿
劉之龍字子雲富順人以進士起家累遷貴陽知府
有政聲嘗作太守箴以自勵其詞曰維明昌運萬里
地方貴水富山咸入版章建邦置守肇於莊皇守神
牧伯古並諸侯秩二千石下邑綴旒朱旛熊軾五馬
優游召父杜母漢爲循吏渤海潁川蒸蒸平治五

歌成兩歧麥瑞河北渡虎合浦還珠蒲鞭化洽竹馬
信乎甘雨隨車臥轍載塗帝咨民艱實重師帥豈以
遐荒德澤疏室眼前赤子鄉鄰同室鳥唐卉服上世
淳風帶牛佩犢化導之功夙夜匪懈其政自通畏彼
四知堅此數節一鶴相隨懸魚比潔酌泉而爽勿鄉
於滄東海嚴卿晉陽臧彪德讓君子鸞鳳其儔惟胞
惟與疇癢喚咻三代斯民直道無教何武去思冠倫
願借一體惟懷誰其有聞我思古人視履不愆子況
異等文翁育賢休聲浹茲吏治幹旋噫嘻小子庸庸
斯辱重諾是資素餐惟歸爰疏鄙箴誦言司僕之龍

後錢策繆之

錢策字子圖浙江人以進士起家授官萬歷中累遷貴陽知府廉介明敏剖決如神事上無僭僭之儀惟歲時獻縣頭使面而已當事知其廉益重之然亦不能不與時齟齬久之自投劾去後起太常寺少卿策後歷王暉如張文奇至劉冠南

劉冠南字文光廬陵人以舉人釋褐萬歷二十八年累官貴陽知府時播州叛亂貴陽戒嚴前知府張文奇新升左參議與冠南及貴陽同知徐庭綬共佐巡撫郭子章籌兵措餉著有勞績及播州平又偕庭綬

重修鐘鼓樓貴州養濟院舊在行都察院之東雜處
於縉紳宅舍之間而牧馬院在都司傍居貴陽府後
燕汲采芻弗便馬日瘠而旬日爲士大夫僕隸所驅
借子章及巡按宋興祖檄冠南庭綬遷之冠南庭綬
乃市隙地於北門外演武場西合爲大院半居旬者
半爲廐總命之曰養牧所而立一堂以爲有司臨蒞
之處口胞與堂院成牧者旬者俱便馬日益蕃息肥
盛二十九年擢貴州副使管平越府事文奇字儒甫
長洲人以進士起家庭綬字公綰上饒人以舉入釋
褐冠南去後歷無爲吳來庭湖廣申在庭福建侯世

陸軍朱家民

王應昌字明夫岷縣人以舉人授官萬歷間知定番
州修學宮設書院置郵驛局養濟院惠政極多百姓
思之弗替

朱家民字同人一字覺民曲靖人萬歷三十四年舉
於鄉爲涪州知州天啟二年官貴陽知府安氏之閭
貴陽也王三善次於平越家民奉三善命乞援兵於
四川又借河南兵共解貴陽圍乃撫傷殘招流移寬
徭賦遠邇悅服丁父憂奪情擢安晉監軍副使加右
叅政崇禎時就遷按察使左布政使以平寇功加右

一俱人之致仕歸卒家民著有端俗約言明史附三善傳家民後歷麻城毛可教至洪聲遠

洪聲遠字閔夫黃岡人以舉人授官崇禎間累遷貴陽知府有惠蹟擢副使管分守新鎮道參議接物以寬和士民愛戴聲遠後歷黃岡陳鴻恩固安郭九

五宋茂時

宋茂時字仲對秀水人以官生起家崇禎中知貴陽府剛果明決摘伏如神喜士有知人鑒凡所獎拔皆爲勝流人以此稱之

崇思泰籍貫未聞天啓初官貴陽同知三年征水

恩泰以督餉遇害事聞賜祭贈按察司僉事應入監祀忠烈祠

郭鳳儀陝西人崇禎十五年以舉人授貴陽推官在駐龍里謹防禦勸農課士百姓悅服鳳儀性方正廉隅故大著賢聲

黃嘉儒字子英鄆縣人以貢生起家授官崇禎四年新設開州以嘉儒爲之時又設河防僉事於開州以沈超楚爲之超楚與嘉儒建城垣編里甲課士通商民夷德之河防道施裁十六年開州紳商反相城內出死之士民哭時者三日坤函方盛不見棺殮

之北極觀後雍正五年知州馮詠表其墓時同嘉祐
死者有開州吏目聶禁見殉節錄

柏福兆臨清人以舉人授官崇禎中知廣順州撫宰
有方嘗建學宮設廩餼居廣順九年士民咸愛戴之
黃光中江陵人崇禎中以舉人知貴定縣性平易與
物無忤嘗捐俸銀修城不勞民力而事集百姓愛之
楊世桂字榮之傳者夫其鄉邑崇禎中官新添教授
有學行以古道自持學生以黃見者皆却之而教諭
不倦有貧者出錢粟卹之貴州少書籍世桂嘗刻經
史以惠士林士出其門者多所成就

陳新第長壽人崇禎十五年知定番州性慈惠惻怛
禮士愛民士民咸戴之順治丁亥年孫可堉據貴陽
三月遣其黨艾奇能寇定番新第聞奇能將至集士
官及士民於公堂謀守禦計貢生饒謨條其事宜悉
中機會新第倚之會布政使張燿參議曾益都司陳
瑞徵皆自貴陽來奔欲籍定番弩手及上司爲恢復
計而貴陽之避寇者多南奔近萬家新第乃與燿等
共城守於是備器甲儲糗糧濬城隍架鹿角警烽火
選精銳檄韋番長官使率其土兵守城小程小龍二
長官率其土兵爲左翼方番洪番二長官率其土兵